


75661/2542


5

6

5



Faint, illegible vertical text impressions, possibly bleed-through from the reverse side of the page. The text is arranged in approximately 15 vertical columns within a rectangular frame.



死生交范張雞黍雜劇

元

宮大用撰

明吳興臧晉叔校

楔子

〔正末扮范巨卿同冲末扮孔仲山張元伯淨扮王仲畧上正末云〕小生姓范名式字巨卿山陽金鄉人也這一個秀士姓張名劭字元伯是汝陽人氏我和元伯結為死生之交他有老母在堂本不樂於遠遊只因小生勸道今日君聖臣賢正士大夫

哈佛大學
圖書館
珍藏印

立功名之秋為此來就帝學未及數年選居上館
聲動朝廷累次辟召皆不肯就蓋因志大恥為州
縣又見諂佞盈朝辭歸閭里這一個秀士是小生
同鄉人氏姓孔名嵩字仲山是孔宣聖一十七代
賢孫亦同遊學京師這個秀士姓王名韜字仲畧
洛陽人氏乃天官主爵都尉兼學士判院門下女
婿雖無文才同在帝學今知小生與元伯歸鄉故
來相別于長亭之上仲山兄弟我和你今日作別
不知幾時再得相會孔仲山云您兄弟做下萬言

長策要貢院中獻去爭柰差事在身哥哥可為兄
弟覓個方便央帶的去加一美言正末云你不
早說仲畧泰山見為學士判院你將仲山萬言長
策獻了可加一美言但得一官半職也是朋友的
情弟兄的意王仲畧云將來我晉哥哥放心這等
文才愁甚麼不做大官仲山不用你去我獨自去
與你梢一官來纔顯我的面情我也是個有行止
的人孔仲山云謝了兄弟張元伯云哥哥今日在
此酌別再幾時相會正末云兄弟今日酌別直至

後二年今月今日汝陽庄上拜探老母張元伯云

哥哥您兄弟在家殺雞炊黍等待哥哥相會哥哥

你休失信也正末云兄弟為人豈敢輕言可不道

信近于義言可復也去食去兵不可去信大車無

輓小車無軌其何以行之哉唱

仙呂賞花時俺本是義烈堂堂大丈夫况同在成均

共業儒聚首數年餘今日個脚岐歸去情憫默意躊

躑

么篇直等到後歲今朝來探以參拜白頭堂上母張

元伯云既然肯來赴約呵您兄弟隻雞斗酒等待我

的哥哥也正末唱何必釀雲腴若但殺雞炊黍張元

伯云祇怕路途遙遠不能俺兩個相會到一處正末

唱豈避千里遠程途同下

音釋辟音 釀尼 降切

第一折

丑扮賣酒上詩云買賣歸來汗未消上床猶自想

來朝為甚當家頭先白日夜思量計萬條小可是

個賣酒的在這汝陽鎮店開着酒肆掛上這望子

看有甚麼人來王仲畧扮孤上詩云朝爲田舍郎
暮登搶撞窻跌下獅子來騎上犛羴羊小官王仲
畧自從前歲孔仲山所央我與他獻的萬言長策
不曾替他出力誰想貢院中有這等利害我見那
秀才每做詩文說得我魂飛天外我連夜將孔仲
山的萬言策改了頭尾則做我的文章有我泰山
與衆官見了甚喜就除我杭州僉判走馬赴任來
到這汝陽鎮一個酒店兒我買兩鍾酒喫拴了馬
者小二哥打二百錢腦兒酒來若沒好酒渾酒也

罷丑云官人請坐有酒有酒王飲酒科正末騎馬
領家僮上云小生范巨卿前歲九月十五山約張
元伯汝陽庄上拜探老母依期到此至元伯處尚
有數里田地天色早哩去這村中且飲一杯我下
的這馬來盤韁兒繫定入的這酒店呀我道是誰
原來是仲畧賢弟得了官也做見科王仲畧云哥
哥你請起汚了衣服小官待還禮來則是壽不壓
職正末云賢弟那裡遷除王仲畧云所除杭州僉
判正末云敢是僉判王仲畧云您兄弟這兩日說

話有此兒唇緊正末云賢弟喜得美除途路之間
 無以慶賀王仲畧云哥哥你不必巧語這裡有的
 是海郎打半瓶喫罷正末云小二哥打二百錢酒
 來草草權為作慶正末把酒科云賢弟滿飲一杯
王仲畧云拿甌子來我先喫兩甌做喫酒科云哥
 哥我要回你酒待我去看些按酒來做背科云嗨
 誰想撞將他來若問起孔仲山的萬言策呵我可
 怎生支對我如今灌上幾鍾我和他講文他文才
 高似我萬倍我偷學他幾句到杭州去好和人說

回云哥哥想的兄弟文章到的那裡哥哥才學與
 在下不同有甚麼名人古書前皇後代哥哥講說
 些兒小官洗耳拱聽正末云賢弟你莫非謙乎王
仲畧云區區實是不濟不是詐謙正末云既不謙
 呵想聖人教人不過仁義禮智孝悌忠信而已足
 下豈可不知正是以能問于不能以多問于寡自
 天地開闢以來聖賢相傳之道試聽小生畧說一
 遍王仲畧云你說你說不要稍了可瞞不過我
正末唱

仙呂點絳脣太極初分割開混沌陰陽運萬物紛紛
生意無窮盡

王仲畧云這個我也知道把那三皇五帝從頭至
尾你說一遍我聽者正末唱

混江龍自天地人三皇興運至軒轅氏纔得垂裳端
冕御乾坤總年數三百二十七萬稱尊號一百八十
餘君總不如唐虞氏把七政蒐羅成曆象夏后氏把
百川平定粒蒸民成湯氏東征西怨文武氏革舊維
新周公禮百王兼備孔子道千古獨尊孟子時空將

性善說諄諄怎知道歷齊梁無個能相信到嬴秦儒
風已滅從此後聖學湮淪

王仲畧云哥哥這此話我也省的這一向我早忘
了一半也只是貴人多忘事哥哥你將我朝的故
事再說一遍您兄弟聽咱正末唱

油葫蘆想高皇本亭長區區泗水濱將諸侯西入秦
不五年掃清四海絕烽塵他道是功成馬上無多遜
公然把詩書撇下無勞問雖則是儒不坑雖則是經
不焚直到孝文朝挾書律蠲除盡纔知道天未喪斯

文

王仲畧云哥哥說的是自古道文章好立身着我
做官人有人來告狀則要爛精銀正末唱

天下樂你道是文章好立身我道今人都為名利引

恠不着赤緊的翰林院那夥老子每錢上緊王仲畧

云怎見得他錢上緊正末云有錢的無才學有才學

的却無錢有錢的將着金帛干謁那官人每暗暗的

衙門中分付了到舉場中各自去省試殿試豈論那

文才高低唱他歪吟的幾句詩胡謔下一道文都是

些要人錢諂佞臣

王仲畧云這話傷將我來也哥哥你則狠慵惰懶

不以功名為念你這等閒言長語當的甚麼正末

云賢弟也如今人難求仕進王仲畧云怎麼難求

仕進正末云只隨朝小小的職名被這大官人家

子弟都占去了赤緊的又有權豪勢要之家三座

衙門把的水洩不通王仲畧云可是那三座衙門

正末唱

那吒令國子監裡助教的尚書是他故人秘書監裡

著作的叅政是他丈人翰林院應舉的是左丞相的舍人帶云且莫說甚麼好文章唱則春秋不知怎的

發王仲畧云春秋這的是庄家種田之事春種夏鋤

秋收冬藏嗒秀才每管他做甚麼正末云不是這等

說的是讀書的春秋王仲畧云小生不曾讀春秋敢是

西廂記正末唱周禮不知如何論王仲畧云這的是

所行衙門事自下而上的勾當縣裏不理州裏去理

州裏不理府上去理俺秀才每管他怎麼正末云不

是這等說的是周公制作之書王仲畧云小生也不曾

讀這本書不省得正末唱

制詔誥是怎的行文

王仲畧云那兩樁其實不知這樁兒且是做得滑

熟那告狀的有原告有被告正末云一發說到那

裏去了賢弟你怎生得這一任官來王仲畧云這

是各人的造物你管他怎麼誰不着你學我做官

來正末唱

鵲踏枝我堪恨那夥老喬民用這等小獍獠但學得

些粧點皮膚子曰詩云本待要借路兒苟圖一箇出

身他每現如今都齊了行不用別人

王仲畧云哥哥你從來有些多事誰不教你求官
應舉去來正末云我去不得王仲畧云誰攔着你
來去不得正末唱

寄生草將鳳凰池攔了前路麒麟閣頂殺後門便有
那漢相如獻賦難求進賈長沙痛哭誰俦問董仲舒
對策無公論便有那公孫弘撞不開昭文館內虎牢
關司馬遷打不破編修院裡長蛇陣

王仲畧云俺雖然文章塌撒也是各人的福分如
今都是年紀小聰明的做官也正末云正是年紀

小麼唱

么篇口邊廂妳腥也猶未落頂門上胎髮也尚自存
生下來便落在那爺羹娘飯長生運正行着兄先弟
後財帛運又交着夫榮妻貴催官運

王仲畧云哥哥

你如今雖有文章可也學不的俺這爲官的受用快
活俺端的靴踪不離了朝門裏正末唱
你大拚着十

年家富小兒嬌也少不的一朝馬死黃金盡

六么序您子父行輪替着當朝貴倒班兒居要津則
欺瞞着帝子王孫猛力如輪詭計如神誰識您那一

夥害軍民聚斂之臣

王仲畧云哥哥俺雖年紀小那

一夥做官的箇箇都是棟梁之材

正末唱 現如今那

棟梁材平地上剛三寸你說波怎支撐那萬里乾坤

王仲畧云俺許多官人怎生無一個棟梁之材似我

才學也勾了哥哥你也少說少說

正末云有有有唱 都

是此裝肥羊法酒人皮囤一個個智無四兩肉重千

斤

么篇這一夥魔軍又無甚功勳却着他畫戟朱門列

鼎重裯赤金白銀翠袖紅裙花酒盈樽羊馬成羣

一日天打算衣絕禱盡下場頭少不的吊脊抽筋

仲畧云哥哥何必致怒你這等狠情慵懶有甚麼好

處正末唱

小子白身樂道安貧覩此輩何足云云滿

胸襟拍塞懷孤憤將雲間太華平吞

王仲畧云好大

口也正末云賢弟且畧別王仲畧云正歡喜飲酒可

那裡去正末云前歲也有你來約定元伯庄上赴會

去王仲畧云哦我記得了哥哥你饒嘴爲那一隻雞

半碗飯幾鍾酒如今要走一千里路哩

正末云大丈夫

夫豈爲餽啜而已大剛來則是赴一信字

唱 想爲人

怎敢言而無信

王仲畧云哥哥爲人不要老實還是

說幾句謊兒好就失信便怎的正末云大丈夫若失

了信呵唱

枉了咯頂天立地束髮冠巾

王仲畧云我長這麼大纔失了一個信兒正末云

小二哥還你二百文酒錢王仲畧云哥哥你若赴

雞黍會就帶小弟同去如何正末云既然賢弟要

去其路也不肯同往赴會去便了同下老旦扮上

兒同張元伯上詩云花有重開日人無再少年休

道黃金貴安樂最值錢老身姓趙夫主姓張不幸

六十五歲生身止留下這孩兒與山陽范巨卿爲

友情堅金石終始不改因見豺狼當道告歸閭里

却早二年光景也張元伯云母親今日是九月十

五日前歲哥哥約定今日來拜探母親俺如今可

殺雞炊黍等待哥哥者卜兒云孩兒二年之後干

里之途怎生便信的他張元伯云母親俺哥哥是

至誠君子必不失信卜兒云孩兒既是這等呵我

如今便安排下雞黍你去門外望一望來張元伯

云理會得我出的這門來怎生這早晚不見俺那

哥哥來也正末領家僮上云小生范巨卿可早來到也家僮接了馬者做相見科正末云兄弟我來了也張元伯云語未懸口哥哥真個來了千里之途驅馳不易正末唱

金盞兒想二載隔音塵千里共消魂

張元伯云我則

道哥哥不來赴會也誰想有今日正末唱

我恨不的

趁天風飛出山陽郡想弟兄的情分痛關親我特來升堂重拜母尊酒細論文當初若不因雞黍約今日個誰識俺志誠人

云兄弟有王仲畧得了官他同我到此王仲畧云哥哥你也等我一等正末云我在此等候哩元伯與相公相見咱張元伯云請進賀相公千萬之喜二位哥哥受小生兩拜拜科王做受科云免禮免禮小官欲待還禮來一了說壽不壓職張元伯云是是是正末云請起請起元伯請母親拜見咱張元伯云母親在草堂哥哥哥嚅和您進去見來做進拜上兒科上兒云巨卿千里赴會真乃信士也正末云山陽一介寒儒荒疎愚野孤陋寡聞謝老母

不擇我和兄弟元伯結爲死生之交此德此恩生
死難忘卜兒云孩兒你說道今日哥哥決來赴會
真箇來到這一句話何其有準也正末唱

醉中天母親道一句話何其準您孩兒不錯了半箇

時辰

卜兒云孩兒將那村酒雞黍飯來與哥哥喫做

擺設科正末唱

小子心真你真

張元伯云哥哥俺

有甚麼真處正末唱

你却早備下美饌芻下佳醞云

家僮將來山陽淮楚之地別無異物新鮮數包新橙
百枚黃絲絹一疋荆婦親手自造萬望老母笑納爲

幸卜兒云此重意正末唱

量這些輕人事您

孩兒別無甚孝順

卜兒云感承重禮孩兒將酒來正

末唱何須母親勞頓

卜兒云巨卿生受您遠路風塵

也正末唱您孩兒有多少遠路風塵

王在外做怒科云你每說到幾時早不是臘月裡

不凍下我孤拐來正末云呀忘了仲畧兄弟在外

廂了卜兒云有請有請王進堂科正末云相公是

杭州僉判卜兒拜科云相公請王仲畧云老母免

禮免禮我待要還禮來壽不壓職小官在京師也

帶了些人事來送老母做取喬砌末科正末云母
 親您兒與荊州刺史相約定赴會不敢失信來日
 五更便行恐晚間酒後不能拜別老母受孩兒幾
 拜拜科上兒云你寬懷飲數杯我親自執料去
下正末云賢弟將過酒餚來吾等對此佳景可以
 散心儘歡竟暮來日為別唱

金盞兒就着這黃菊吐清芬白酒正清醇相逢萬事
 都休問想嗒人則是離多會少百年身張元伯云將
黍飯來做食科正末唱
 烹雞方味美炊黍恰嘗新我

做了箇急喉嚨陳仲子你便是大肚量孟嘗君

王仲畧云我們飲不多幾鍾早天色明了也行人
 貪道路哥哥慢行您兄弟先行哥哥您兄弟無伴
 當于道路上自做飯喫這些果子下飯您兄弟將
 去路上噴他耍子做取按酒放唐巾內戴上揭衣
服取竹筒裝酒科下張元伯云哥哥今年已過到
 來年九月十五日您兄弟到哥哥宅上赴雞黍會
 來正末云兄弟你若來時休到山陽至荊州郭外
 尋問我來尊堂前不敢驚寢了張元伯云哥哥唱

和您幾時進取功名去正末云男子漢非不以功名爲念那堪豺狼當道不如只在家中侍奉尊堂兄弟您豈不聞盡忠不能盡孝哩唱

賺煞禮義乃國之綱孝悌是人之本修天爵其道自尊遶溪上青山郭外村您與我贍養些不值錢狗彘雞豚每日家奉萱親笑引兒孫便是義皇以上人張元伯云哥哥若有人舉薦我呵去也不去正末唱便

有那送皇宣叩門聘玄纁訪問且則可掩柴扉高枕臥白雲詞下

音釋

吉 音 吉 音 吉 音 吉 音 吉 音 吉 音
行音 別皮 分去 圍音 重平 華去
杭 耶切 聲 頓 聲
舖音 啜樞 趁嗔 芻又 噴腮 纁音
通 說切 去聲 搜切 上聲 薰
白巴 埋切

第二折

下見同日見俅兒扶張元伯抱病上元伯云小生張元伯自從與哥哥相別之後未經一載不料染起疾病百般醫藥不能療理眼見的我這病覩天遠入地近無那活的人也大嫂趁我精細囑付你

有母親也近前下見云孩兒也精細者張元伯云
 母親我死之後多留幾日待巨卿哥哥來主喪下
 葬我靈車動口眼閉若哥哥不到休想我靈車動
 母親我這會昏沈上來扶着我者大嫂好覷當母
 親看我那孩兒者呵詩云淚盈盈遺囑自嗟吝意
 遲遲懷恨漫尋思荆釵婦好覷青春子白頭母先
 哭少年兒做死科下下見云孩兒亡了則被您痛
 殺我也且見云兀的不痛殺我也下見云孩兒今
 日囑付的話要等他哥哥來主喪下葬千里程途

怎生便得箇書信到他那裡我且將孩兒停在棺
 函裏過了七日之後選日辰埋葬孩兒元伯則被
 你痛殺我也同下外扮五倫引祗從上詩云龍樓
 鳳閣九重城新築沙堤宰相行我貴我榮君莫羨
 十年前是一書生老夫覆姓第五名倫字百俞乃
 京兆長陵人也自漢光武建武元年曾為京兆尹
 專領長安事某平生公直廉介市無姦枉後補淮
 陽王為醫工長淮陽人朝某隨宮蠶得見光武問
 以政事某因應對帝遂大悅明日復特召入與語

至夕以某爲扶夷長未曾到任尋拜會稽太守爲政清而有惠百姓愛之至明帝卽位改元永平遷其爲蜀郡太守至十八年拜爲司空今爲吏部尚書奉聖人的命爲四選法弊壞國學書生多有托故還鄉不肯求進况兼各處山間林下賢人君子多有隱跡埋名將賢門閉塞聖人着小官于荊州等處採訪各州縣若有能文會武棟梁之材選取入朝量材擢用某到荊州經年半載並不見合屬郡縣所舉人材小官近聞一人乃山陽金鄉人姓

武字巨卿此人原是國子監生正爲選法不

明告辭還鄉遷葬父母隱于此處閉戶讀書與官府絕交某累次遣人持書辟召皆不肯就老夫今日閒暇將印信牒與佐貳官不避驅馳就范式宅中親自訪問此人若肯爲官便當薦之朝中作柱石之臣也見老下一點爲國求賢的意思左右那裡將馬來則今日至范式宅中相訪走一遭夫也呵下正末引家僮上云小生范巨卿自離了山陽來到這荊州郭外閉戶讀書與官府絕交有本郡

太守是第五倫累次聘小生爲掌吏功曹此意雖
善爭柰這豺狼當道不若隱居山林爲得吾聞仲
尼有言邦有道則仕邦無道則卷而懷之正今日
也唱

南呂一枝花天不生仲尼萬古如長夜秦灰猶未冷
漢道復衰絕滿目姦邪天喪斯文也今日個秀才每
遭逢着末劫有那等刀筆吏入省登臺屠沽子封侯
建節

梁州第七如今那蕭丞相爭頭鼓腦便有那魯諸生

也索緘口藏舌將古今人物分優劣爲吏者矜誇顯
達爲儒者賣弄修潔舜庭八凱孔門十哲更和那漢
國三傑况中興以後三絕如今那憲臺疎亂滾滾當
路豺狼選法弊絮叨叨請俸日月禹門深眼睜睜不
辨龍蛇紀綱敗缺炎炎的漢火看看滅士大夫尚風
節恰便似寸草將來撞巨鐵枉自摧折

第五倫上云說話中間可早來到也左右那裡接

了馬者家僮報復去有第五倫特來相訪家僮報
科云有五丞相在于門首正末云你可不早說唱

隔尾見高車來俺只索倒屣連忙接第五倫云老夫

非私來奉聖人的命特來敦請賢士正末唱聽的道

君命至越着俺披襟走不迭云相公有請第五倫云

老夫久聞賢士大名如雷貫耳今得一觀實為三生

之幸願賢士早脫白衣同朝帝闕正末云小生墮落

似賣着一件物事不能出手第五倫云似賣着

物事正末唱賣着領雪練也似狐裘赤緊的遇着

恐但得本錢兒不折上手來便撇第五倫云老夫

不沽之正末唱本待要求善價而沽諸爭奈這行

貨兒背時也

第五倫云賢士休這般說你自不肯進取功名想

自古至今運去運來一進一退從來有之何必拘

拘然以掛冠為高捧檄為屈哉正末唱

牧羊關想當日那東都門逢萌冠不掛第五倫云賢

士何不學那朱雲折檻正末唱長朝殿朱雲檻不折

第五倫云靈輒一飯必酬真乃壯士也正末唱桑樹

下食椹子噎殺靈輒第五倫云孫叔敖舉于海濱位

至上海正末唱滄海上孫叔敖乾受苦十年第五倫

云管夷吾霸諸侯一匡天下正末唱

囹圄內管夷吾

枉餓做兩截

第五倫云賢士你只學那張子房功成

之後棄職歸山也不遲哩正末唱

赤松嶺張子房迷

了歸路

第五倫云豈不見范蠡霸越泛舟五湖正末

唱洞庭湖范蠡爛了椿楸

第五倫云那殷伯夷採薇

甘餓首陽他自有故正末唱

首陽山殷伯夷撐的肥

胖

第五倫云那楚屈原終日獨醒投江而死何足道

哉正末唱

汨羅江楚三閭醉的來亂跌

第五倫云賢士乃儒門俊秀藝死菁華何苦屈節

干芸窻甘心于茅舍依老夫之言只當進身顯耀

建立功名纔是正理正末云量小生有何才能敢

當相公舉薦唱

隔尾我待學踰垣的段干木非為懶垂釣的嚴子陵

不是呆枉了您個開閣公孫弘到茅舍

第五倫云傳

說板築高宗封為太宰豈非古今盛事正末唱

量小

生才不及傅悅

第五倫云據賢士之才斷不在蒯徹

之下正末唱

辯不及蒯徹

第五倫云賢士老夫此一

來專是徵聘賢士為官正末唱

我只怕進退無名著

人做笑話兒說

〔正末做睡科第五倫云賢士睡着了也老夫且去那古樹之下賞翫一廻家僮等你主人醒時我老夫再來攀話下〕張元伯上云小生張元伯自從與范巨卿哥哥相別不幸死歸冥路小生曾有遺言有巨卿哥哥到方可主喪下墓我這靈車便動口眼也閉哥哥若不來休想這靈車動况老母年高妻嬌子幼倚門而望千里之途怕哥哥不知今日日當午托一夢與哥哥說知詳細可早來到也呼

科云巨卿哥哥〔正末做醒科云正思想元伯不期來到唱

罵玉郎這些時平安信斷連三月我正心緒不寧貼猛聽的家僮報喜高聲說俺兄弟在那裡我與你親自接做見科唱不由人添歡悅

感皇恩兄弟你煞是千里途賒自從咯兩處離別張元伯云哥哥你靠後你豈知我心中煩惱也〔正末云

兄弟怎這般煩惱唱阻隔着路迢迢山遠近水重疊張元伯云哥哥靠後此正末唱我這裡迎門兒問候

他將我躲閃藏遮，暗兩箇為朋友，比外人至親熱。
（云）兄弟有請。張元伯云：哥哥，你靠後些。正末唱：

採茶歌我恰待向前些，他把我緊攔截。
（張元伯遮面）

（云）哥哥靠後些。正末唱：只見他摺回衫袖，把面皮遮。

（張元伯云）哥哥，你豈知我心中煩惱。正末云：兄弟唱：

既然道有事關心，能哽咽怎這般無言。低首謾傷嗟。

（張元伯云）您兄弟特來探望哥哥。正末唱：

哭皇天你既是肯相探，多承謝。
（張元伯云）我見了哥

哥面便回程也。正末唱：便回程因甚也。
（張元伯云）您

兄弟就此回去了也。
（正末云）那裡去。唱：把書房門忙

閉上。
（做扯張科唱）將衣袂緊揪搭。
（張元伯云）哥哥放

手，你是生魂，我是鬼魂，您兄弟死了也。正末哭科唱：

誰想你今番今番命絕，想着俺同堂學業同舍攻書。

指望和你同朝帝闕，同建功名，你如今四旬不到一

事無成，拋離老母，割捨妻男，怎下的撇了您。及哥哥

及哥哥死去也。這回相見，今番永別。

（做哭科云）兄弟，我和你幾時再得相見也。阿唱：

烏夜啼，咱兩個再相逢，似水底撈明月，把喲這弟兄。

情一筆勾絕

張元伯云您兄弟臨亡時曾有遺言囑

付老母多停我幾日等哥哥來主喪下墓哥哥若不

到時我靈車不動不入墳坵不期老母選後五日出

殯家中老母年高妻嬌子幼無處所托則望哥哥照

顧老母和那妻子便是俺朋友的情分正末唱

把平

生心叮嚀說你可便不必喋喋少住些些

張元伯推

未科云哥哥休推睡裡夢裡下正末唱

元來是破莊

周一枕夢蝴蝶

云呀元來是一夢家僅多早晚也家

僅云午時了也正末唱

正日當卓午非夤夜

歎科云

可惜元伯一代奇才不能遂志唱

命矣夫斯人也閃

的這老親無子幼子無爺

做悲科云兄弟兀的不痛殺我也第五倫上云老

夫正撫古樹盤桓片時則聽的草堂上賢士舉哀

不知爲何見科云賢士因何舉哀正末云相公恕

罪兄弟張元伯亡了因此上舉哀第五倫云可惜

可惜寄書的人在那裡正末云無人寄書信來第

五倫云既無書信你怎知張元伯亡了也正末云

相公不知小生平昔與汝陽張元伯結爲生死之

交恰纔與相公談話覺一陣昏沈元伯夢中來報
因病而亡于後五日下葬專等小生去老母妻子
在家悲望小生便索長行也第五倫云賢士差矣
你平日間思想你兄弟所以做這等夢俗話說夢
是心頭想此事真假未辨敢是甚麼邪神外鬼問
你討祭祀來麼正末云相公俺兄弟决不失信小
生持服掛孝便索奔喪去也唱

三煞奠楹夢斷陰風冽薤露歌殘慘日斜他從來正
性不隨邪凜凜英雄神道般剛明猛烈第五倫云多

唱是邪神外鬼問你討祭祀不可深信正末唱

他豈

似餓鬼暮饕餮他恰纔白日分明顯化者我問甚麼
是耶非耶

云家僮我囑付你唱

二煞怕少盤纏立文書問隔壁鄰家借怕無布絹將
現錢去長街上舖內截第五倫云既然賢士要去奔

喪吊孝就將小官的從馬與賢士代步意下如何正

末云多謝了唱

乘騎的鞍馬相公賒

第五倫云賢士

幾時回來正末唱則這千里程途至少呵來回得三

范張對香 雜劇
月他既值凶事我問甚麼勲業

第五倫云小官欲待

薦舉賢士為掌吏功曹也正末唱

這掌吏功曹那箇

名缺請相公別尋箇有政事豪傑

第五倫云賢士你二人相交怎這般深厚也正末

唱

黃鍾尾俺弟兄比陳雷膠漆情尤切比管鮑分金義
更別張元伯性忠烈范巨卿信士也半世交一夢絕
覺來時淚流血寸心酸五情裂咱功名已不藉到來
朝避甚些披殘星帶曉月衝寒風冒凍雪披喪服拽

輦車築墳坵蓋廬舍種松楸蔭四野那其間尚未捨

猛思量在時節我和他一處行一處歇戚同憂喜同

悅生同堂死同穴到黃昏厮守者據平生心願徹着

後人向墓門前高聳聳立一統碑碣第五倫云賢士

碑碣上可寫着甚麼那正末唱將俺這死生交范張

名姓寫下

第五倫云賢士去了也此一專未審虛實一壁廂

着人打聽果若有此事老夫自有主意左右將馬

來且回私宅去也詩云世人結友須黃金黃金不

多交不深直待巨卿親葬張元伯方表悠悠生死

心下

音釋

累上聲

思去聲

絕藏靴切

節音

舌繩遮切

劣間夜切

潔饑也切

哲長蛇切

傑其耶切

月魚夜切

缺區也切

滅迷夜切

折繩遮切

接音

迭音

熱仁蔗切

撇偏也切

輒張蛇切

罔音

姐

截藏

撇渠靴切

汨音

跌音

菁音

呆音

悅魚夜切

徹昌

訖書

貼湯也切

精音

爺

摺音

啞衣也切

惹昌

也切

別邦也切

疊音

執

也切

惹切

也切

喋音

蝶音

冽郎夜切

薤音

烈郎夜切

餐湯也切

第三折

下見同日見依兒衆街坊駕輦車上下見云老身

張元伯母親自從孩兒亡化却早過了七日他臨

亡時囑付下直等范巨卿哥哥來主喪下葬許多

程途又無人寄封信去今日是個好日辰且安葬

了等他哥哥來祭奠也無妨衆街坊云婆婆這輦

車不肯行拽不動了也下見云再幫上幾個親眷

從去聲

業音

且切音

也音

血希也切

裂部夜切

雪須也切

輦音

歇希也切

允胡靴切

者音

碣其耶切

搜一搜衆做拽不動科云又添上許多人越發拽
不動了下見云衆位不知他臨終時分付下幾句
言語直等待范巨卿哥哥來靈車動他纔肯入墳
墳只是千里路途怎生便得他來衆街坊云俺衆
人拽不動老人家你看着衆人且回家裡喫了
飯再來拽下正末騎馬上云小生范巨卿今來與
元伯奔喪吊孝一路上好是淒涼也呵唱

商調集賢賓兄弟也我和你二十年死生交同志友
咱兩個再相見永無由一靈兒伴孤雲冥冥杳杳趁
悲風蕩蕩悠悠恨不的摔碎我袖裡絲鞭走乏我坐
下驂騮兄弟也爲你呵整整的三晝夜水漿不到口
沿路上幾曾道半霎兒停留身穿的絲麻三月服心
懷着今古一天愁

云這正是心急馬行遲再加上幾鞭者唱

逍遙樂打的這馬不刺刺風團兒馳驟百般的抹不
過山腰盼不到地頭知他那裡也故塚新墳仰天號
哭破咽喉更那堪樹梢頭陰風不住吼恰荒邨雪霧
雲收猛聽的哭聲哽咽遙望見旛影飄揚眼見的滯

魄夷猶

〔云〕遠遠的聽見許多人鬧莫非是元伯的靈柩呀

只見一首幡上面有字寫着道張元伯引魂之幡

元來果有此事〔下馬至車前哭科〕〔卜兒云〕原來是

巨卿哥哥來了〔知他是睡裡也〕那是夢裡〔正末唱〕

金菊香三生夢斷九泉幽兄弟也誰想你一日無常

萬事休

〔卜兒云〕哥哥許多人拽不動這靈柩〔正末云〕

這靈車不動呵〔唱〕

莫不爲尊堂妻子留這三件事我

索承頭你身亡之後不須憂

〔做哭科〕〔云〕兄弟兀的不痛殺我也〔衆街坊云〕巨卿

省煩惱〔正末云〕母親安排祭祀來小生于路上思

想兄弟做了一通祭文祭祀兄弟〔祝云〕維永平

元年歲次戊午十月癸亥朔越五日丁卯不才范

式謹以清酌庶饌致祭于張元伯靈柩之前〔維公〕

三十成名四十不進獨善其身專遵母訓至孝至

仁無私無遜功名未立壯年壽盡吁嗟元伯魂歸

九泉吾今在世若蒙皇宣將公之德薦舉君前門

安綽楔墓頂加官二人爲友萬載期言嗚呼哀哉

伏惟尚享做哭科唱

梧葉兒舉孝廉曾三聘論文才第一流我道你不拜
相決封侯正滄海魚龍夜趁西風鷓鴣秋此一去不
回頭好教我這煩惱越感的天長地久

〔云〕你衆人打開棺函我試看咱〔下兒云〕哥哥不可
已死過許多時則怕屍氣撲着你也〔正末云〕母親
便有屍氣撲死我我和我兄弟一處理葬更好哩

衆開棺正末看跌倒科唱

掛金索我見他皮殼骷髏面色兒黃乾乾渾消瘦恰

便似刀攪我這心腸痛殺殺難禁受恨子恨這個月
之間少個人來問候早知你病在膏盲我可便捨性
命將伊救

〔下兒云〕哥哥千里之途不曾有信哥哥你便怎生
知道來〔正末云〕您孩兒正在草堂上與第五倫大
人談話覺一陣昏沈見兄弟來托一夢所說子死
一事忽然醒來乃是一夢因此上您孩兒一生交前
來俺兄弟先有顯應也〔下兒云〕這等異事古今少
有哥哥你試說一遍咱〔正末唱〕

村裡逐鼓兄弟也不爭你在黃泉埋沒却教我在紅
塵奔走想着那世人幾個能全德更幾人全壽可惜
你腹中大才胸中清氣都做了江山之秀閃的我急
急如漏網魚呀呀似失羣鴈忙忙似喪家狗云只這

一夢呵唱

不由人不痛心疾首

卜兒云除了做夢一節還有顯應麼正末唱

元和令數日前落長星大似斗流光射夜如晝原來
是喪賢人地慘共天愁空餘下劍掛盡汝陽城外柳
則這青山一帶也白頭滿街人雨淚流

衆街坊云巨卿上千的八拽不動靈車誰想有這

等靈驗正末唱

上馬嬌休道是人一舟便有那力萬牛百般的拽不

動輦車軸

帶云兄弟唱

則你那陰魂耿耿將咱候志

已酬將你那靈聖暫時收

衆街坊云好大風也正末唱

遊四門疎刺刺陰風吹過冷颼颼支生生頭髮似人
揪靜悄悄荒林曠野申時候昏慘慘落日墜城頭早
亂紛紛寒鴈下汀洲

勝葫蘆都做了野草閒花滿地愁你爲甚不肯上墳
坵枉教那一二千人都落後這的是誰親誰舊誰薄
誰厚帶云兄弟也唱不能勾相守到白頭

云再將酒來我與兄弟澆奠唱唱

後庭花祭酒奠到五六斗輓詩吟到十數首可惜
散了風雲氣沈埋了經濟手喙兩個論交遊不在諸
人之右播聲名橫宇宙吐虹霓貫斗牛臥白雲商嶺
頭釣西風渭水秋笑嚴光傲許由到如今一筆勾

云兄弟你今日下葬呵唱

青哥兒雖不曾功名功名成就早已將世情世情叅
透覷的個一介寒儒過如萬戶侯既今日歸休人死
不終留咱意氣相投你知我心憂來歲到神州將高
節清修向白玉堦前拜冕旒我與你叮嚀奏

柳葉兒呀似這般光前裕後一靈兒可也知不云兄

弟你若無靈聖跟你哥哥到墳頭去來若無靈聖只
似這般拽不動者做拽靈車科唱我親身自把靈車

扣衆街坊云異事你看靈車行動了也正未唱一來

是神明祐一來是鬼推軸云兄弟跟我來跟我來唱

我與你挖刺刺直拽到墳頭

〔衆街坊云〕可早來這墳院中埋了這棺槨一壁廂

掩土燒紙燒紙做葬科卜兒云下了墓了停當了

也哥哥咱和你回去來〔正末唱〕

醋葫蘆母親你伴魂旛即便回嬌子共侄兒休落後

謝辭衆科唱

我這裡謝相識親友省儻我今夜只

伴着衰草白楊在這墳院宿

衆街坊云巨卿他的親

眷都家去了你沒來由倒在這裡歇〔正末云〕我不爲

別的唱

自恨我奔喪來後又不是沽名吊譽沒來由

卜兒云哥哥你三晝夜不曾歇息你若不回家去

呵老身也不回去〔正末唱〕

么篇待不去呵逆不過這老母情

〔云〕着兄弟說不甫

能盼得你來守不的我一夜〔唱〕

待去呵我又怕應不

得兄弟口想着俺那對寒窻風雨幾春秋則落得墓

門前一杯澆奠酒從今別後要相逢則除是枕蓆間

夢黃昏雞報曉五更頭

〔衆街坊云〕巨卿咱且回去改日再來〔正末云〕衆位

你不知元伯在墳院中一年四季怎生捱這等凄

范張雞黍

楚眾街坊云他是個死人這一年四季曉得甚麼

淒涼正未唱

么篇到春來怎聽那杜鵑啼山月曉到夏來怎禁那
亂蟬聲暮雨收到秋來怎聽那寒蛩啾唧泣清秋到
冬來你看那寒鴉萬點都在那老樹頭這幾般兒經
年依舊漫漫長夜幾時休

粟街坊云巨卿天色晚了也咱回去來正未唱

高過浪來裡則被你君章子徵將我緊追逐並不曾
厮離了左右今日不得已且隨眾還家到來日絕早

到墳頭道是我與你廬墓丁憂這一片心雖過當果
無虛謬更那堪朔風草木偃落日虎狼愁覷了這四
野田疇三尺荒坵魂魄悠悠誰問誰瞅帶云兄弟唱
空着我欲去也傷心再回首

下兒云巨卿我豈知元伯孩兒撇了老身并媳婦

兒先去了也正未唱

隨調煞可憐朱顏妻未老青春子年幼撇下個白頭
老母正堪憂眼中淚和我心上愁這兩般兒合轉做
一江春水向東流同下

范張雞黍

雜劇

三

音釋

捧音

刺音

號平

邨與

楔音

骷音

體音

禁平

盲音

村同

屑

枯

婁

聲

荒

軸直

過平

不甫

第四折

第五倫領祗從上云小官第五倫自從范巨卿與

張元伯奔喪去了我隨着人打聽果有此事他如

今現在墳院中栽松種柏築壘墳牆早已百口有

餘也老夫在聖人前奏過言巨卿至仁至德古今

無比就着老夫將頭踏傘蓋皇宣丹詔直至汝陽

山切

驟

上聲

當去

聲

鳩切

元伯墳內徵聘此人臨朝加官賜賞又着老夫順

帶玄纁丹詔隨路有高才大德即便舉入朝中重

用老夫既奉朝命不敢久停久住直至汝陽徵聘

巨卿走一遭去來下正末上云自從元伯亡過小

生在這墳院中栽松種柏壘墓修墳却早過了百

日光景詩云元伯蕭然一命亡有才無壽兩堪傷

妻夫鏡裏鸞孤影朋友叢中鴈失行三尺素絲書

姓字一堆黃土蓋文章晚來不敢高聲哭只恐猿

聞也斷腸唱

中呂粉蝶兒直哭的山月蒼蒼野猿啼老松枝上滿
郊祠風捲白楊吊英魂歌楚些不勝悲愴若不是築
室居喪枉惹的黃泉下故人失望

醉春風我只待壘高塚臥麒麟栽長松引鳳凰人
都道自古及今那得兄弟廬墓禮來唱這死生交金

石友至誠心怎道的謊謊今日箇浮坵有朝得志我
將你恁時改葬

紅綉鞋我若是爲宰爲卿爲相帶云元伯也唱我與

你立石人石虎石羊撇下個九歲子四旬妻八十娘

另巍巍分一宅小院高聳聳蓋一座萱堂我情願奉
晨昏親侍養

第五倫驪馬兒引祗從孔仲山上云老夫第五倫
是也奉聖人的命與范巨卿加官賜賞說話中間
可早來到也令人接了馬者正末云只見遠遠的
一簇人馬來到這墳前不知爲何唱

石榴花我則見蕩晨光一道驛塵黃鬧炒炒人馬扣

墳牆做見五倫科唱我這裡曲躬躬叉手問端詳第

五倫云奉聖人的命採訪賢士來正末唱道當今聖

上訪問賢良

第五倫云賢士按了宣詔者

正未唱

的道接皇宣說的我魂飄蕩

第五倫云快脫了喪服

正未唱

脫喪服手脚張狂

第五倫云昔日文王訪太

公于磻溪立周朝之政賢士比太公何別

正未唱

我

又不曾映斜陽垂釣磻溪上怎生墳院裡遇着文王

第五倫云賢士今日加官賜賞便好道崢嶸有日

奮發有時

正未唱

鬪鶴鴉人都道我暮景桑榆合有些崢嶸氣象可正是樂極悲生今日個泰來否往

第五倫云爲你在此

築壘墳牆栽松種柏百日有餘小官奏知聖人特來

宣命

正未唱

壘築了這五六板墳牆奏與帝王又不曾學傳說作楫爲霖悞陛下

第五倫云賢士不可遲延怠慢便索臨朝同見聖

人去來

正未唱

上小樓過舉他門下侍郎落保了也朝中宰相

第五

倫云因賢士高才大德舉薦爲官

正未唱

有甚麼孝

廉方正德行才能政事文章

第五倫云若得賢士爲

官黎民有望也

正未唱

怎消的一方之地百萬生靈

范張雞黍
將咱倚仗
第五倫云賢士您有尹鐸之才當以重用

正末唱
我又無尹鐸才怎生保障

第五倫云請賢士上馬正末云念吾弟威靈可表
范式丹誠本來廬墓但朝廷有詔禮不容違苟得
志于朝必不使吾弟湮滅九泉之下做辭墓科第
五倫云祇從人擺開頭踏慢慢的行孔仲山喝云

避路正末唱

么篇列旌旗一望中擺頭踏半里長我則見馬前虞
候志氣昂昂狀貌堂堂問姓名是故人別來無恙云

那喝道的敢是孔仲山麼孔仲山云然也正末驚問

云呀兄弟你怎做馬前一卒孔仲山云因為王韜賴
了我萬言長策所以不能為官您兄弟該當馬前虞
候的身役哥哥您請穩便正末唱
我怎敢恰為官貴

人多忘

第五倫云賢士他是何人正末云相公不知此人
是孔宣聖一十七代賢孫孔仲山是也這秀才文
章勝在下十倍被判院門下女婿王韜賴了他萬
言長策以此不能為官第五倫云便着人拿王韜

來我奏知聖人依律重責賢士想王韜這廝則待
 閉塞賢門情理可惡正末云相公據孔仲山之才
 當以重用第五倫云既然賢士說孔仲山才德過
 人小官願帶有玄纁丹詔在此就着孔仲山受了
 宣詔備三人一同上馬見聖人去來正末云既如
 此賢弟你可脫了衣服換了朝章孔仲山做換
 衣服科正末唱

十二月忙換了麻衣布裳便穿上束帶朝章拜受了
 玄纁一箱跪聽了丹詔十行第五倫云孔仲山您望

闕謝了聖人的恩者正末唱

面朝着東都洛陽三舞

蹈頓首誠惶

堯民歌多謝你荊州太守漢循良舉薦我布衣芒屨
 到朝堂死生交端不比孫龐清廉吏須當効龔黃行
 藏行藏暗酌量也不是咱虛謙讓

第五倫云范巨卿爲你高才大德信義雙全老夫

奉聖人的命與賢士加官賜賞正末唱

耍孩兒愧微臣勅賜加官賞無帶云只是張劭呵唱他

未霑恩我豈敢承當念生平籍貫在山陽幼年問父

毋雙亡三公若是無伊呂四海誰知有范張第五倫
云那張劭的才能德行比你如何正末唱臣比張劭

無名望張劭德重如曾顏閔冉才高似賈馬班楊

第五倫云張劭有多大年紀了正末唱

二煞犬馬年雖是長論學問他更強私心願奉為宗

匠想漢朝豈無良史書名姓眾文武自有傍人話短

長臣舉孔仲山可作頭廳相第五倫云那孔嵩比你

如何正末唱似臣呵常人有數論此人國士無雙

第五倫云雖然無了張元伯可得了孔仲山却止

是得一賢失一賢正末唱

一煞雖然是得一賢失一賢孔仲山云可惜無了元

伯哥哥正末唱您也何須的涕兩行淚兩行得蜀望

隴休多想帶云死了元伯呵唱恰便似攔折了千尋

白玉擎天柱帶云用了孔仲山呵唱陪與你個萬丈

黃金架海梁豈不聞晏平仲為齊相乘車人憂心悄

悄倒是御車吏壯志揚揚

第五倫云令人與我拿的王韜安在祇候拿王仲

畧上云稟爺拿的王韜到了也當面王仲畧不肯

跪科祇候云你怎麼不跪王仲畧云壽不壓職也
罷也罷我跪着第五倫云兀那王韜你怎敢混賴
了孔仲山萬言長策王仲畧云你這個老大人差
了我若不賴他的文章我可怎麼能勾做官便總
甲我也不得做第五倫云您等俱望闕跪者聽聖
人的命斷云聖天子思求良輔下弓旌廣開賢路
何止是聘及山林但聞名不遺坵墓汝陽郡張劭
雖亡有范式亟稱其素可遙封翰院編修賜母妻
並霑榮祿遺弱息君章子徵可卽授陳留主簿范

式拜御史中丞其孔嵩尚書吏部王仲畧許昌爲
官杖一百終身廢錮見天恩浩蕩無私與羣臣相
安舉錯正末等謝恩科唱

煞尾我爲甚覷功名不在心也則念窮交不忍忘因
此乞天恩先到泉臺上纔留的這雞黍深盟與那後
人講

音釋 麥梭 籊音 否滂 行去 鐸多 忘去
去聲 盤 米切 聲 勞切 聲

屬音 蜀繩 鉅音 固 聲

題目 義烈傅子母褒揚

長 佳 三 佳 川 早

正名

灰生交范張雞黍

列終

